

499.211 50
328
1891.78

NOVENA

NGA

PAGDAYDAYAO QUEN APUTAYO A

JESUS NAZARENO.

MAKABAO ITI SAO TI CASTILA

NGA PAGDAYDAYAO MUET TILILI A QUIAPO

ITI LADAGANNA NGA ADDAT

LOIAY A SIMBAAN.

Maiteo amin a palubos

MANILA

IMPRESA DE SANTO TOMAS

1891



NOVENA

NĜA

PAGDAYDAYAO QUEN APUTAYO Á JESUS NAZARENO,

NAADAO ITI SAO TI CASTILA

NĜA PAGDAYDAYAO MUET TI ILI Á QUIAPO

ITI LADAOANNA NĜA ADDAT

IDIAY Á SIMBAAN.

Quet idaton muet ita quencuana nĝa Apo ti ili á Vigan, agsipud ti panagcari daguiti devotosna ti nadayag á ladaoanna nĝa adda muet iti Simbaanna.

Iti panagbilin ni Sr. D. Pedro V. Abaya Provisor iti N. S., inyulog itoy á pagsasa-ó ni P. D. Quintin Paredes coadjutor iti ili á Bantay.

NAITED AMIN Á PALÚBOS.

MANILA

IMPRESA DEL COLEGIO DE STO. TOMÁS

1891





CARARAG

Á UMONA ITI PATINAYON Á ALDAO.



O Dios-co, imbag á casam-
itan, Ama nã nailanãitan, na-
gutangac cadaguiti pinagparabur-
mo nã saniata nã nagtaud
iti nadiosan á gupit ti panagtu-
tuoc ni Jesus, quen daguiti pay
muet Sacramentos á insagut ti
aoan lansadna nã panangnã-
asim á agas daguiti cararuami,
agsipud iti panaglaglaguipco ca-
daguitoy á pinagparangcapmo,
ipudnoc á cas napacurang unay
á parsua iti saclangmo nã si-

uutanḡac iti ayatmo: O Dios-co
nḡa maymaysaca laeng iti qui-
na-Dios-mo, quet tal-lo cay á
Personas, ipaduyacyac co ti pam-
matic quenca nḡa cas anac ana-
annugut ti Santa Ina nḡa Iglesia;
quet namnamaec iti di ma-
nangrad á caasim ti pammaca-
oanmo cadaguiti basbasolco, ag-
sipud iti imbagmo, iso á pang-
ronaec á ayaten em amin á
adda, quet tapno maicariac á
caasiam á bussuguem iti ayat
á nadiosan, paysoec nḡad itay
ti agbabaoín quet ipasnecco itoy
pusoc ti agcona: Apú nasaquit
unay ti naquemco iti pannaca-
basolco quenca, ta sica piman
ti maicari nḡa ay-ayatec á pang-
pangronaec em amin. Mabalínco
cadman á ipusayco toy pusoc á
maremmay iti peggues daguiti

lulua nãa agubbug iti ayatco,
oenzo accatec toy biagco; cay-
cayatco pay ti casta, nãem iti
macabasolac. Amen.





CARARAG

A AGBALBALIO ITI PATINAYON A ALDAO.



UMONA NGA ALDAO.

O imbag á nadiosan, imbag á
bunga ti ayat, ó ayat á aoan lan-
sad, ayat á biig á imbag: sila-
oam daguiti matac, sica nga in-
guet sam-it á annara-ar ti pusoc,
tapno punğanayec á bigbiguen
iti tulong ti nacaay-ayat á la-
oagmo, dayta nacacarcarayo nga
guil-ayab ti manglioeng-liong á
ayatmo nga naicasigud quencia!
O Jesus, á agsipud iti di ca-
benbenan á quinasungdom, ri-
nuguia á dagus á imparicna

daguiti inguet rayray á guil-ayab
 ti managayat á pusom, idi apa-
 man á timmaoca iti, naibusan
 dalus á tian ni María Santísima
 nãa Inam, nupay no bumaet á
 cas ulep daguiti basbasolmi nãa
 macatubeng comá cadaguiti pa-
 nangnãaasim; ta piman biigca
 nãa quinasungdo cadaguiti tao
 nãa cas narniag á Init á di ag-
 patinga nãa cadegdegan ti bileg
 ti rayray ti ayatmo nãa nacau-
 yutam á nangical-laisa idi inguet
 nomo nãa tapoc á nacabuclanmi
 cadaguiti catan-ocean á dayag ti
 quinadiosmo idi timmaoca; tapno
 mairagpat quet ti tao, ta casmo
 laeng binalin muet á Dios iti pan-
 nacasimpunãalanna quencia. Ala
 nãgarud managay-ayat á Jesus,
 pucaoem iti bileg ti inguet sam-it
 á ayatmo daguiti dadagsen ti

cararuac á pinataud daguiti nasaguit co nga pinarnuay daguiti basbasolco, tapno sungued toy pusoc; quet iti casta mapunasto daguiti quinalaadda nga cas uguing á macatulao caniac, tapno diacto agbasolen, apacalac-amac á mainaganan anac á napaypayso daguiti ayatmo iti tulong ti santa nga gracia, quet pacairaggpatac iti natalec á sidong daguiti dungngom, itay quen iti agnanayon aoan ti ingana. Amen.

Lualoen ti tal-lo nga Amami casta muet ti Ave María quen Gloria Patri, sa isaruno toy maudi nga

CARARAG

ITI PATINAYON Á ALDAO.

O ayat á nadiosan, imbag á casam-itan, dungngo nga casung-

doan, asi nãa nasnecan ni na-
sam-it á Jesus-co, timmaó iti bi-
leg ti ayat ti Espíritu Santo,
isu nãa punãanay daguiti isu
amin á gasatmi, quet pasam-item
daguiti cararuami iti imas ti
ayatmo, tapno nanamenmi da-
guiti nailangitan á sam-it cada-
guiti capapatgan á misterios ti
santo nãa panagtutuoc quen ipa-
pataymo! ta piman amin á pa-
nunutmo sa-o quen aramidmo,
agsipud iti pannacagugorda iti seg-
gued ti pusom, iparañgarangda ti
nasantoan á ayat á naimimas em
amin á sam-it, quet agsipud iti
pannangtedmo Jesus-co iti biag
ti Espíritu quen sam-it iti pu-
soc nagsaadca nãa cas nadayag
á Esposo iti sinamar ti init na-
nipud idi immona nãa horas ti
panagbiagmo, ingat canibusanan-

na, quet idinto ta macuguilca
 impaduyacyacmo iti cababagas ti
 nasam-it unay á naganmo nãa
 Jesus daguiti macapia nãa guil-
 ayab ti dunguñom cadaguiti tao.
 Ala nãarud Ama nãa nasungdo
 daguiti caasi, lenglem ti isipco
 tapno di laeng sumiasi nãa agsi-
 pud cadaguiti raniag ti rumanñen
 á ayatmo nãa di agsarday á ma-
 ngipatuldo iti utangco nãa ara-
 miden bareng pay mariing á da-
 gus ti turogco, no apaman á ma-
 timud co daguiti timecmo nãa
 umayab caniac, quet dagusto nãa
 masirmatac ti nacaay-ayat á la-
 oagmo nãa mamasgued itoy pusoc
 iti tulong daguiti nasungdo nãa
 bileg ti nadarisay á imbagmo, iso
 nãa ay-ayatec iti isoamin á pigsa
 toy pusoc quen cararuac á agna-
 nayon aoan ti ingana. Amen.

MAICADUA NGA ALDAO.

O managayat unay á Ama, ó nasam-it unay á Jesus, á iti naganmo ti pagurayanmi nga sita-
 talgued iti nadosan á dungnõm!
 Igapom cad laeng iti Santo nga naganmo ti mamalucneng cada-
 guiti puspusomi, yanta mayarig
 iti lana nga casda silao á mas-
 guedan. Iso ngad piman tay ti
 silaomi, taraonmi quen agas ti
 cararuami silao ó manilao iti ma-
 nagbasol, taraon á mamaquired
 iti capuymi, quet agas á mama-
 pia cadaguiti sacsaguitmi nga di-
 nanar daguiti basbasolmi. Calac-
 amanmi cad laeng ti masilnagan
 iti laoag ti nasam-it unay á na-
 ganmo nga Jesus-co; tapno iso ti
 panggapoanmi nga agayat iti na-

sudi unay á naganmo ti sam-iten
 quen imasenmi nga nanamen, ta
 biig amin á nalab-ay daguiti la-
 raonmi, no saan á macuyugan
 iti panaglag-laguipmi iti nacaay-
 ayo nga naganmo nga Jesus, quet
 calacamanmi comá ti panagday-
 dayao, quen panangibunannagni
 quenca agsipud iti panagdevo-
 cionmi iti inguet sam-it á na-
 ganmo, tapno bumac-saycam á
 sia-ayat itoy nacalcatdaang á daga
 nga pagluluaan á dumanon á si-
 susurot iti laoagmo, nga pacalac-
 amanmi quenca nga agnanayon
 ita nailangitan á balaymo. Amen.

MAICATLO NGA ALDAO.

¡O di calansadan á imbag ti
 Dios á nupay naganendacat idi

ugma nãa Apo quen Dios ti pam-
 males, Dios á mang-gubat nu-
 pay casta idinto ta impaoit di-
 toy lubong ti Santísima Trinidad
 ti nasam-it unay á nagan á Je-
 sus cadaguitoy agdama nãa aldao
 ti gracia tapno iso ti manggalipa
 iti ingel ti nadosan á linteg quen
 mangibulos iti ca-asi, nãa pina-
 rangenna iti lubong daytoy inguet
 sam-it á nagan ta binalinna nãa
 naduegnõo daguiti unget ti Dios,
 iso ti gapona nãa idi aldao á pan-
 nacacuguitmo, insaad quencia ti
 langit ti nagan á Jesus á nagpuni-
 punan ti imbag quen panangnga-
 asi! Ala nãarud nasam-it Jesus dica
 ipalubos á ti nangina unay á da-
 ram á naibel-leng gapo cadaguiti
 basbasolco ti macagargari iti lin-
 tegmo nãa manusa caniac. Casta
 ti inanamaenmi iti panangnga-

asim á urayenmi gaput iti-nasam-it
á naganmo, tapno itinto panag-
biagmi nga siannurul cadaguiti
nadosan á bilbilinmo, lac-amen-
minto ti gracia nga tanda ti pan-
nacaicarimi nga mairanud iti glo-
riam. Amen.

MAICAPAT NGA ALDAO.

¡O ayat á nadosan, á nabati nga
salda ti panagtaguicua daguiti ca-
raruami iti gloria no sapulendaca
nga aoagan iti nasam-it unay á
nagan á Jesus, ta uray siasino nga
managbasol á agcalicagum á sum-
brecsadi langit no umapon á sipu-
pudno itoy inguet pateg á amang,
calac-amanna laeng ti paunacai-
salacanna! ¡O inguet dayag nga
ayat! ¡O nadosan á Jesus! ¡O

managayat á agtaguicua cadaguiti
 cararua quitaem cad daguiti bas-
 basolmi quet pucaoem ida iti di
 mabubus á imbagmo. Quitaem
 cad cadaguiti sacsaguitmi quen
 samuyengui tapno calac-amanmi
 ti ipipia mi. Quitaennacam, quet
 sumneccad laeng ti ca-asim. Tapno
 agbiagcami nãa sisisingpet á pa-
 calac-amanmi iti nagasat á ipa-
 patay. Ita nãarud, Apo nopay no
 managdangques daguiti cararua-
 mi, agtaleccam laeng iti dina-
 camto ipusay cadacam ti pang-
 nãac-lonmo iso nãa aoganmi iti
 iso amin á bileg ti pusomi. Gaput
 iti nasam-it á naganmo isalacan-
 nam iti inferno, quen cada-
 guiti sebbangna nãa napnot iti
 darioangoang tapno itinto pan-
 nacaical-laisami quenca iti sin-
 galut ti nasantoan á ayatmo ca-

lac-amanmi ti mairanud quencia
nga agnanayon sadi langit. Amen.

MAICALIMA NGA ALDAO.

¡O nagan á Jesus nagan á na-
cascasdaao, á iti bilegmo ti pa-
marsuaan ti Dios cadaguiti iso
amin á adda, pamaglisina muet
cadaguiti demonios, quen pang-
ngagasna cadaguiti sagsaguit ti ca-
rarua quen bagui! Sica ngarud ti
inaramat idi cua ni Arcángel San
Miguel á pinamacsiatna cadaguiti
demonios, ta idi apaman á mati-
muddaca dinagusda ti naglusulos
á inganat sadi infieruos! ¡O nag-
palungduan iti sam-it á Jesus, á
casta unay á pigsa ti pannacaba-
lin, á intedmo iti Santísimo nga
naganmo! ipalubusmo cad ti pa-

naglisi caniac ti demonio, no á
pamanto, nãa aoagac ti manna-
cabalin á naganmo, quet bay-
anoac á sioaoaya, quen mabu-
caan cadaguiti caoar ti panangã-
dipen ti basel tapno umayac á
sicacarayo nãa umamang quenca
nãa napaypayso nãa imbagco nãa
rebbengco nãa ayaten, tapno pag-
licudanmi ti lubong á manglul-
bud cadacami, quet agbiag cam
iti nalagda nãa inanama nãa ga-
pot ti dungngom, quen ayatmo,
iti panacaquitaminto quenca quen
pannacairanudmi nãa agnanayon.
Amen.

MAICANEM NÃA ALDAO.

¡O inguet sam-it á Jesus, ama-
ngan cadaquel ti utang daguiti
;

cristianos ita nacarayrayo nãa si-
lao ti Santo nãa Naganmo! yata
manaugnãa-asica cadaguiti tao
quet naingetca unay cadaguiti de-
monios, á iso ti gapona nãa ca-
asiam laeng daguiti managbasol
á umarãrao quenca idi agdamada
nãa maioaoa iti dalan á agturong
sadi infernos caasiannacam itay
á managbasol á sitatabuno; nãa
umao-aosag iti mannacabalin unay
á naganmo. ¡O nasam-it unay á
nagan ni Jesus, sica ti pagtal-
caumi ta sica muet laeng ti ca-
lasagmi nãa manarapa cadaguiti
unget ti Dios, quen agas á ma-
nãep-ep cadaguiti samuyengmi?
sica muet nãgarud itay ti napa-
teg á lana nãa segden daguiti
cararuami. Tapno rumayray á cas
á puy iti ayat á nadiosan, tapno
iti casta paglicudanminto ti lu-

bong, quet agaoanmi ti mangi-
daton quenca cadaguiti puspusomi;
tapno sicsica laeng ti pagservianmi
quen daydayaoenmi nga agnana-
yon. Amen.

MAICAPITO NGA ALDAO.

¡O sididios á Pastor, á mana-
ripato cadaguiti cararua nga cas-
ovejas á naioaoa quet ornosem
ida iti nasungdo nga indeg ti
nasam-it á nagan á Jesus! ¡O Je-
sus nagan á nagpunipunan ti qui-
nasanto nga mamenec iti sam-it
cadaguiti puspusomi! ¡O Jesus,
nagan á nacarayrayo, nga naca-
gutugut iti isusurot quenca da-
guiti Apóstoles á em agsagaba iti
babain quen tuoc iti saclang da-
guiti tao gapo laeng iti ayat

itoy nacascasdaao á nagan! ¡O Jesus á tibquer ti Santa Iglesia, liolioa daguiti naladingit, tulong daguiti nacaca-asi, quet amang daguiti managbasol! O Jesus, Ama nga biig á ayat, Ama nga biig á dunguño, Ama nga biig á casi! Ala comá, Apo ipaaymo caniac ti maysa nga panagayat á nasnecan iti nasam-it unay á naganmo nga Jesus tapno iti pateg daytoy á panagdevocion, aclunenac laeng á cas Pastorcó nga nadiosan, á itipon cadaguiti pinilim, quet maisalacan toy cararuac iti rungsot ti infierno. Ic-cannacam, Apo, iti napaypayso nga pannacaammomi cadaguiti sicap ti cabusor, tapno mabalinmi nga abaquen ida nga sibibileg iti graciám iso nga catulunğanminto nga lumac-am iti gloria. Amen.

MAICAOALO NGA ALDAO

¡O nagan á Jesus, Torre nga nagannong iti lagda! ¡Lagda nga dacquel, Apo ti nasam-it unay á naganmo, ta pagtalaoenna ti demonio cadaguiti cararua nga si-cucupicup iti pigsá daytoy naca-ay-ayat unay á nagan. O naayat unay á Jesus, igam á nalagda nga pangabac quen Lucifer; ta agbalbal-ligui laeng daguiti cararua cadaguiti demonios iti tulong daguiti nagcalima nga letra ti naganmo nga Jesus: Sica ngarud, Apo nga addaca laeng iti saclang ti narniag á pangocoman ti Dios á mangibabaet cadacam á di agresat, quet at-atipaem iti naamaan á pangngaasim daguiti umisó nga dusa nga caanatup

daguítì basbasolmì itál-liaomo cadacám á tagabóm adipenmo quen naayat unay á anacmo daguítì matám á manangngãasí. Itayén, ó naayat unay á Jesus, umamangcam ita nasam-it unay á naganmo, ngã cas Torre ngã pagsadiri itì demonio. Pabilguem cadlaeng daguítì puspusomì tapno itì tulong ti nagan á Jesus á aoaganmì, maparucmami daguítì pannulisug ti sayro quet mapudnomì ngã yaoat ti cararuamicadaguita imám, quen maquipaguian quenca itì agnanayon á nam-ay. Amen.

MAICASIAM Á ALDAO.

¡O nasam-it unay á Jesus, Ama ngã nagpalungduán itì ayat á immaycat ditoy lubong, tapno itì

panagpatuladmo isurom cadaguiti
cararua ti dalan á agturong sadi
Langit, quet idi matayca nãa si-
didep-pat idi cruzmo, quinayatmo
nãa sinanagancat Jesus, tapno ipa-
caammom cadacam á iti muet
laeng nasam-it á naganmo ti silao
á nalanãitan á mamabileg cada-
guiti cararuami iti horas ti ipa-
pataymi nãa mangioacsi cadaguiti
nacaam-ames á panagbuteng iti
nacadidigra nãa pangngocommo!
Italiaomo cad, Apo cadacam da-
guita matam á biig á dungngõ
quen caasi tapno ioasnacda cada-
guiti puspusomi, ti maysa nãa
nasantoan, quen nasin-ao á pa-
nagayat quenca.

¡O Jesus á nanãisalacan ca-
dacam!

O Jesus á casaya-atan em amin
daguiti tao, nãa agsipud iti ayat-

mo, dica quet nangda iti uray
sangã catedted laeng á daram ca-
daguiti ur-uratmo, ta inibusmo la
amin apinanubbot iti pannaca-
adipenmi.

¡O Jesus á nagparang idi Col-
loong cadaguiti Pastores, quen
Har-ari, nagparang idi Templo
cada Profeta Simeon quen cada-
guiti Doctores, nagpaquita idi
Calvario cadaguiti Angeles quen
tao! ¡O Jesus á cacaisuna nã
gasatmi! Matmatannacam á sica-
caasi, tapno mapuocam iti imbag,
quet tono mataycami, lac-amen-
minto ti ilioliola bileg quen sam-it.
Ipalubos mo cadacam ti panna-
cabalinminto nã mamalicas iti
nacaay-ayat á naganmo nã Je-
sus iti daydiay camaudianan á ho-
ras, quet pabilguem daguiti cara-
ruami tapno ul-ulitenmi nã pa-

linayon ti Santísimo nga nagan-
mo. Biaguen daguiti puspusomi
iti santa nga graciám á inganat
iti dumtengcam á aguinana iti
nasam-it á sidongmo iti gloria
nga agnanayon. Amen.



GOZOS.

Ó ayat á neparigatan,
quen imbag á capapatgan.

Ó silao á nailangitan
sicat Amami quen camang.

Pinarsuam piman ti tao
tapno-punoem iti imbagmo
basbasolnat nacaoisam
á manub-but manalacan.

Ó silao á nailangitan etc.

Batumbalanica á nabiag
á captan ti siririgat
nasalucagea nga agayoan
quen mangagas á naridam.

Ó silao á nailangitan etc.

Ayatmot dica lansadan,
ta langit quet ti binay-am
iti Cruz ti iuca natayan
iti tuoc agsasamosam.

Ó silao á nailangitan etc.

Iti puso á napacurang
daoatenmi nga itdannacam
iti bunga nga nasantoan,
ti tuocmo á capapatgan.

Ó silao á nailangitan etc.

Ó Jesus á inguet sungdo
nga aguingunġot iti tao
sicat Jesus á salacan
daguiti cararua á parsuam.

Ó silao á nailangitan etc.

Italiaomo, Apo cadacam,
daguita naasi á matam
ó Amami á caimbagan
urayenmit pangigagam.

*Ó silao á nailangitan
sica Amami quen camang.*

CARARAG Á PANGLEPPAS

— O naimbag á Dios, á quínayat-
mo nãa iti Anacmo ti manalacan
cadaguíti tao, iso nãa ninaganmot
Jesus, daoatenmi quencia nãa si-
papacurang igapom iti asim,
tapno ayatenmi ni Jesus á ipas-
necmi iti pusomi, daydayaoenmi,
muet ti Santo nãa naganna, quet
di laeng comá matda ti pañgi-
banannagminto quencuana nãa
agnanayon. Amen.

FIN.

